



বাংলাদেশ শিপিং কর্পোরেশন

Bangladesh Shipping corporation

বিএসসি ভবন, সল্টগোলা রোড, চট্টগ্রাম।

www.bsc.gov.bd



আইন উপদেষ্টা এবং প্যানেল আইনবিদ পদে পুনঃনিয়োগ বিজ্ঞপ্তি

নং-১৮.১৬.০০০০.৩৫২.০৪.০০২.২০.

তারিখঃ ০৩ জানুয়ারি,

২০২১খ্রিঃ

- ০১। বাংলাদেশ শিপিং কর্পোরেশন-এর পক্ষে/বিপক্ষে দেশের বিভিন্ন আদালতে (সুপ্রিম কোর্ট ও নিম্ন আদালতসমূহে) মামলা পরিচালনা ও বিভিন্ন বিষয়ে আইনগত পরামর্শ প্রদানের নিমিত্তে আইন উপদেষ্টা (চট্টগ্রাম ও ঢাকার জন্য) এবং প্যানেল আইনবিদ (চট্টগ্রামের জন্য- ফৌজদারী মামলায় অভিজ্ঞ)-এর প্যানেল তৈরীর জন্য আইন পেশায় নিয়োজিত নিম্নোক্ত যোগ্যতা ও দক্ষতা সম্পন্ন দক্ষ ও নিষ্ঠাবান বাংলাদেশী নাগরিকদের/ ল-ফার্ম-এর নিকট হতে পুনঃদরখাস্ত আহ্বান করা যাচ্ছে।
- ০২। **শিক্ষাগত যোগ্যতাঃ**
- (ক) **আইন উপদেষ্টাঃ** আইন উপদেষ্টা পদের জন্য প্রার্থীদের বার-এট-ল ডিগ্রী থাকতে হবে। ফার্ম-এর ক্ষেত্রে আবেদন করতে হলে, সংশ্লিষ্ট ফার্মে এক/ একাধিক স্বনামধন্য বার-এট-ল ডিগ্রী ধারী আইনজীবী থাকতে হবে।
- (খ) **প্যানেল আইনবিদঃ** প্যানেল আইনবিদ পদের জন্য কোন অনুমোদিত ও স্বীকৃত বিশ্ববিদ্যালয় হতে কমপক্ষে এল. এল. বি ডিগ্রী থাকতে হবে।
- ০৩। **অভিজ্ঞতাঃ**
- (ক) **আইন উপদেষ্টাঃ**
- (i) হাইকোর্ট ও আপীল বিভাগের এনরোলমেন্ট থাকতে হবে।
- (ii) প্রার্থীদের হাইকোর্ট ও আপীল বিভাগে মামলা পরিচালনায় কমপক্ষে ১০ বছরের অভিজ্ঞতাসহ আইন ব্যবসায় ন্যূনতম ১২- ১৫ বছরের পেশাগত অনুশীলনের অভিজ্ঞতা থাকতে হবে। এছাড়া, আন্তর্জাতিক নৌ-বাণিজ্য সংশ্লিষ্ট যাবতীয় আইন, বিধি- বিধান, প্রটোকল ইত্যাদি সম্পর্কে প্রয়োজনীয় বাস্তব অভিজ্ঞতা থাকতে হবে;
- (iii) রিটেইনার আইন উপদেষ্টাকে অবশ্যই এডমিরালিটি মামলা পরিচালনার বাস্তব অভিজ্ঞতা থাকতে হবে।
- (খ) **প্যানেল আইনবিদঃ**
- (i) প্রার্থীকে পেশাগত যোগ্যতার স্বীকৃতি ও সংশ্লিষ্ট আদালতে এনরোলমেন্টসহ ফৌজদারী মামলা পরিচালনায় নিরবচ্ছিন্নভাবে ১০ বছরের পেশাগত অভিজ্ঞতা অবশ্যই থাকতে হবে। উচ্চ আদালতে মামলা পরিচালনার অভিজ্ঞতা সম্পন্ন প্রার্থীদের অগ্রাধিকার প্রদান করা হবে।
- (ii) আন্তর্জাতিক নৌ-বাণিজ্য সংশ্লিষ্ট যাবতীয় আইন, প্রটোকল ইত্যাদি সম্পর্কে বাস্তব জ্ঞান ও এতদসংশ্লিষ্ট মামলা পরিচালনায় অভিজ্ঞতা সম্পন্ন প্রার্থীদের অগ্রাধিকার প্রদান করা হবে।
- (iii) আইনজীবী প্রতিষ্ঠান হিসেবে আবেদনের ক্ষেত্রে ল' ফার্মকে কমপক্ষে ১০ বছরের অভিজ্ঞতা থাকতে হবে।
- (iv) অন্য কোন প্রতিষ্ঠানে প্যানেল আইনবিদ হিসেবে নিয়োজিত থাকলে (প্রমাণক থাকতে হবে) নিয়োগের ক্ষেত্রে অগ্রাধিকার দেয়া হবে।
- ০৪। **অন্যান্য শর্তাবলীঃ**
- (i) প্রার্থীকে বাংলাদেশের নাগরিক হতে হবে।
- (ii) প্রার্থীকে অবশ্যই সুস্বাস্থ্যের অধিকারী এবং সংস্থার প্রয়োজনে স্ব স্ব স্থানের বাইরে পরিদর্শনে যেতে সক্ষম হতে হবে।
- (iii) প্রার্থী বিএসসির স্বার্থ পরিপন্থি/প্রতিদ্বন্দ্বী কোন সরকারী বা বেসরকারী সংস্থা/ব্যক্তির আইন উপদেষ্টা/ আইনজীবী হিসেবে নিয়োজিত থাকতে পারবেন না;
- (iv) আইন উপদেষ্টা ও প্যানেল আইনবিদ পদের জন্য পৃথকভাবে আবেদন করতে হবে।
- (v) নির্বাচিত কোন প্রার্থী দায়িত্ব হতে অব্যাহতি চাইলে ৩০ (ত্রিশ) দিন পূর্বে সংস্থাকে নোটিশ প্রদান করতে হবে এবং সংস্থাও ৩০ (ত্রিশ) দিন পূর্বে নোটিশ দিয়ে অব্যাহতি দিতে পারবে।
- (vi) নির্বাচিত রিটেইনার আইন উপদেষ্টা বিএসসি কর্তৃক নির্ধারিত এবং প্রদেয় মাসিক রিটেইনার ফি পাবেন। রিটেইনার আইন উপদেষ্টা এবং প্যানেলভুক্ত আইনবিদগণ কর্তৃক বিভিন্ন মামলা পরিচালনার জন্য প্রচলিত ফি ও অন্যান্য প্রাপ্য খরচাদি বিএসসির নির্ধারিত হার (Rate schedule) অনুযায়ী পরিশোধ করা হবে।
- (vii) প্রার্থীকে নাম, পিতা/স্বামী ও মাতার নাম, জন্ম তারিখ, স্থায়ী ও বর্তমান ঠিকানা, চেম্বারের ঠিকানা, শিক্ষাগত যোগ্যতার বিবরণ (পরীক্ষার নাম, পাসের বছর, প্রাপ্ত শ্রেণী/বিভাগ, বোর্ড/বিশ্ববিদ্যালয়ের নাম), প্রশিক্ষণ ও অভিজ্ঞতার বিবরণ, হাইকোর্ট ও আপীল বিভাগে এনরোলমেন্টের সনদ ও যোগদানের তারিখ/ সংশ্লিষ্ট আদালতে এনরোলমেন্টের সনদ ও যোগদানের তারিখ, বার কাউন্সিলের সনদসহ সকল শিক্ষা সনদের অনুলিপি, জাতীয় পরিচয়পত্র ও সদ্য তোলা ০২ (দুই) কপি ছবি ইত্যাদি এবং পূর্ণাঙ্গ জীবন বৃত্তান্তসহ আবেদন করতে হবে।
- ০৫। **দায়িত্বঃ**
- (i) রিটেইনার ভিত্তিতে নিয়োজিত আইন উপদেষ্টাকে অন্যান্য কাজের মধ্যে বিএসসির আইন ও প্রবিধানমালা অনুযায়ী সংস্থার স্বার্থ সংক্রান্ত যাবতীয় দলিল ও রেকর্ডপত্র পরীক্ষা-নিরীক্ষা করে আইনগত মতামত প্রদান, বিভিন্ন দলিলাদির খসড়া প্রণয়ন, সার্টিফাইড কপি উত্তোলন, আর্জি/আপত্তি প্রণয়ন, বিভিন্ন চুক্তি ও সম্মতিসমূহ (Consent) প্রস্তুত/ভেটিং প্রদান এবং প্রয়োজ্য ক্ষেত্রে সংশ্লিষ্ট আদালতে মামলা দায়ের ও সংস্থার পক্ষে প্রতিনিধিত্ব করা/ মামলা পরিচালনা করা, মামলার হালনাগাদ তথ্য প্রেরণ ও কর্তৃপক্ষ কর্তৃক ন্যস্ত আইন বিষয়ক দায়িত্ব পালন;
- (ii) প্যানেল আইনবিদ প্রয়োজন মোতাবেক ফৌজদারী সংক্রান্ত মামলাসমূহ পরিচালনা, মামলার হালনাগাদ তথ্য প্রেরণ ও কর্তৃপক্ষ কর্তৃক ন্যস্ত আইন বিষয়ক দায়িত্ব পালন করবেন।
- ০৬। বিএসসিতে ইতোমধ্যে যারা আইন উপদেষ্টা/প্যানেল আইনবিদ হিসেবে কাজ করেছেন/করছেন তারাও আবেদন করতে পারবেন।
- ০৭। কোন কারণ দর্শানো ব্যতিরেকে কর্তৃপক্ষ যে কোন আবেদন/ সকল আবেদন গ্রহণ/ বাতিল করার অধিকার সংরক্ষণ করেন। আইন উপদেষ্টা/ প্যানেল আইনবিদ নিয়োগের ক্ষেত্রে কর্তৃপক্ষের সিদ্ধান্তই চূড়ান্ত বলে গণ্য হবে।
- ০৮। পূর্ণাঙ্গ জীবনবৃত্তান্তসহ দরখাস্ত আগামী ১৮-০১-২০২১খ্রিঃ তারিখের মধ্যে সচিব, বাংলাদেশ শিপিং কর্পোরেশন, বিএসসি ভবন, সল্টগোলা রোড, ডাক বক্স নং-৬৪১, চট্টগ্রাম বরাবরে পৌছানোর জন্য অনুরোধ করা হল। ইতোপূর্বে আবেদনকৃত প্রার্থীদের পুনরায় আবেদনের প্রয়োজন নেই। উল্লেখ্য, অসম্পূর্ণ/নির্ধারিত সময়ের পর দরখাস্ত বাতিল বলে গণ্য হবে। খামের উপর পদের নাম ও কোন জেলায় আইন পেশায় নিয়োজিত তা উল্লেখ করতে হবে। সাক্ষাৎকারের জন্য প্রার্থীকে কোন প্রকার টিএ/ ডিএ প্রদান করা হবে না।

(খালেদ মাহমুদ)
সচিব, বিএসসি
বাংলাদেশ শিপিং কর্পোরেশন
ফোনঃ ০৩১-৭২৪৪৭৯
ই-মেইলঃ scy@bsc.gov.bd